



BOSNIA AND HERZEGOVINA  
FEDERATION OF BOSNIA AND HERZEGOVINA  
SARAJEVO CANTON  
"CANTON SARAJEVO MEMORIAL FUND"

Naš broj: 13-03-01-NB/IOU/21  
Sarajevo, 2021. godina

Predmet: Informacija/obavijest/uputstvo

Poštovana/i,

Povodom Vašeg upita, dostavljamo Vam "**Informaciju**" o pravima porodica umrlih pripadnika Armije i MUP-a Republike Bosne i Hercegovine vezano za podizanje "Jedinstvenog nadgrobnog spomen obilježja" (u daljem tekstu JNSO) te načinu i vremenu realizovanja prava, zatim "**Obavijest**" o potrebnim dokumentima za ostvarenje predmetnog prava te "**Uputstvo**" o načinu dostavljanja zahtjeva za postavljanje ili donaciju JNSO-a.

**- Informacija o pravima porodica umrlih pripadnika Armije i MUP-a Republike Bosne i Hercegovine vezano za podizanje jedinstvenog spomen obilježja**

Pravo na postavljanje ili donaciju JNSO ostvaruju porodice umrlih branitelja koji pripadaju kategorijama definisanim u članu 51. stav 1.. Zakona o dopunskim pravima boraca-branitelja BiH („Službene novine Kantona Sarajevo broj: 45/12“- prečišćeni tekst, 26/14, 46/17, 18/19, 20/20 i 24/20- ispravke) gdje je propisano da:

*"Organizatorima otpora, veteranima, dobrovoljcima, dobitnicima ratnog priznanja i odlikovanja, ratnim vojnim invalidima bez obzira na stepen invalidnosti. Kanton Sarajevo putem Fonda Memorijala, podiže nišane - nadgrobnne spomenike nakon njihove smrti, u skladu sa usvojenim tipiziranim idejnim rješenjem od strane Fonda Memorijala."*

Što se tiče načina i vremena realizovanja ostvarenog prava informišemo Vas da JU Fond Memorijala KS postavlja **JNSO - nišane** i temelje koji su ispod zemlje i ne vide se, a povezuju par nišana. Za druge vjeroispovijesti ili ateiste gdje se postavlja **JNSO - spomenik**, vrši se postavljanje horizontalne ploče sa oblogom. Bez obzira na vrstu JNSO-a obavezni elementi su: ime, ime jednog roditelja, prezime, godina rođenja i datum smrti uz obavezan uklesani "ljljan", a opciono je jedino vjersko obilježje. Izgled JNSO-a definisan je od strane JU Fond Memorijala KS i dostupni su na Vaš zahtjev i u formi kojoj Vam odgovara.

Svi zahtjevi koji se prikupe u jednoj budžetskoj godini a ulaze u Zakonom propisane norme za postavljanje ili donaciju, obrađuju se trenutno i stavljaju na spisak za izradu i postavljanje u narednoj budžetskoj godini u okvirnom terminu maj-oktobar.

JU Fond Memorijala KS ne vrši refundaciju troškova za već postavljena spomen obilježja umrlim veteranima.

JU Fond Memorijala KS ne vrši postavljanje JNSO izvan KS već se preuzimanje vrši u KS, a porodica je dužna da organizuje transport i postavljanje te snosi troškove za isto.

**- Obavijest o potrebnoj dokumentaciji radi ostvarivanja prava**

Da bi JU Fond Memorijala KS izvršio postavljanje, ili donaciju, JNSO-a potrebno je dostaviti sljedeću dokumentaciju:

Dokument br 1.

Dokaz o pripadnosti kategorijama koje su propisane Zakonom i za koje se može ostvariti pravo na izradu i postavljanje ili donaciju JNSO što u principu znači da dostavite:

a) Za kategoriju "**Veteran**", Uvjerenje o pripadnosti uz uslov da se radi o pripadniku koji je pristupio 1992. godine i ostao neprekidno do 23.12.1995. godine, a ako je ranije demobilisan onda na Uvjerenju treba biti navedeno da ne postoje okolnosti iz člana 36. ili dostaviti Rješenje nadležnog organa o demobilizaciji **Ovaj dokument mora biti original ili ovjerena kopija.**

b) Ukoliko se radi o "**Pripadniku sa statusom RVI-a**" umjesto gore navedenog Uvjerenja dostavljate original ili ovjerenu kopiju Rješenja o statusu RVI. U tom slučaju nije bitan datum pristupanja niti demobilizacije. **Ovaj dokument mora biti original ili ovjerena kopija.**



c) Za kategorije **“Dobrovoljac”** u koje spadaju žene i maloljetnici koji nisu, po sili Zakona, bili vojni obveznici u periodu agresije na Republiku Bosnu i Hercegovinu, status se, osim Uvjerenjem o pripadnosti dokazuje uvidom u Izvod iz Matične knjige rođenih,

d) Za kategoriju **“Organizator otpora”** Rješenje ili Uvjerenje o priznavanju statusa “Organizatora otpora” nadležnog Ministarstvo za pitanja boraca/branitelja Federacije Bosne i Hercegovine. **Ovaj dokument mora biti original ili ovjerena kopija.**

#### Dokument br 2.

Kopija Izvoda iz Matične knjige umrlih radi utvrđivanja tačnih podataka koji se upisuju na JNSO

a) Ukoliko se radi o pripadniku koji je ukopan van KS potreban je i dokaz da je u momentu smrti bio nastanjen (prijavljen) u Kantonu Sarajevo

#### Dokument br 3.

Podnosilac zahtjeva je dužan ponijeti i na zahtjev Kontrolora predložiti identifikacioni dokument, radi dokaza identiteta.

#### Dokument br 4.

U “Prilogu 1” se nalazi i **“Zahtjev”** koji popunjava podnosilac, a na kome je jako bitno navesti broj telefona koji se neće mijenjat jer taj broj kontaktiramo radi eventualne provjere podataka te onda kada se radi o donaciji ili izvode dodatni radovi, izvođači zovu radi dogovora (santrači, vaza, klupica i sl.) za što porodica snosi troškove. Ovaj “Zahtjev” ne mora biti ovjeren, ali je bitno da je rukom popunjen i potpisan od strane podnosioca.

#### Dokument br 5.

U “Prilogu 2” su i dvije **“Izjave”** koje također popunjava podnosilac od kojih se jedna odnosi na prihvaćanje idejnog rješenja JNSO i načina na koji se vrši postavljanje a druga je o prihvatanju uslova da se lični podaci po ovom predmetu mogu unijeti u bazu i koristiti radi obrade i kreiranja spiskova za izradu. To su standardne i Zakonom obavezujuće “Izjave”. Ove “Izjave” ne moraju biti ovjerene, ali je bitno da su rukom popunjene i potpisan od strane podnosioca.

#### Dokument br 6.

Za umrle pripadnike čiji se ukop organizuje u mezarju/groblju “Aleja veterana - Vlakovo” potrebno je, na zahtjev Kontrolora, predložiti identifikacioni dokument umrlog branitelja, kojim se dokazuje mjesto prebivališta na Kantonu Sarajevo u trenutku smrti. Umjesto Izvoda iz Matične knjige umrlih za umrlog branitelja, predložava se “Potvrda o smrti” izdata od strane nadležne ustanove. U principu, izdavanjem Rješenja o ukopu u mezarje/groblje “Aleja veterana - Vlakovo” ujedno se za umrlog branitelja planira i postavljanje JNSO, izuzev u specifičnim slučajevima koji su definisani Zakonskim i podzakonskim aktima.

#### - Uputstvo o načinu podnošenja zahtjeva

Svu dokumentaciju za izradu i postavljanje, donaciju JNSO-a, ali i za organizovanje ukopa u “Aleju veterana - Vlakovo” možete dostaviti lično na adresu:

#### **JU “Fond Memorijala Kantona Sarajevo”**

Širokac br. 22, Stari Grad

71 000 Sarajevo

Bosna i Hercegovina

Ova “informacija/obavijest/uputstvo” predstavljaju samo okvirnu definiciju prava i način ostvarivanja istog. Svaki podneseni zahtjev biti će tretiran i razmatran posebno i u skladu sa predmetnim Zakonom kao i Zakonom o upravnom postupku te ostalom zakonskom regulativom Države Bosne i Hercegovine.

Za eventualna pojašnjenja, i pomoć u procesu stojimo Vam na raspolaganju i možete nas kontaktirati radnim danom od 7 i 30 h do 16 00 h, lično na adresi ili na broj telefona + 387 33 252 210, + 387 33 252 223 i fax broj + 387 33 252 218, te putem naše elektronske adrese [fondkantona@bih.net.ba](mailto:fondkantona@bih.net.ba).

